

**+** Snijdend



Cuido Ambulante  
Instruccion pa admicion



Pronto lo bo bishita Dr. Horacio E. Oduber Hospital pa un “dagopname”.

Ta trata aki di un operacion of examinacion, cual tin como exigencia estadia di algun ora durante dia. Den e foyeto aki bo por lesa e informacion necesario pa bo prepara mas miho posibel.

### Cita pa Admicion

Tur pashent mester acudi na e departamento di Admicion entre 7.30 or di mainta y 12 or di merdia. Siguientemente bo ta pasa pa haci e saminacion preoperativo cerca e anesthesist. Unabes tur resultado ta cla mester pasa departamento di Admicion pa haci entrega di tur papel. Na departamento di Admicion bo lo ricibi tur e informacion tocante bo estadia, manera e dia, localidad y e orario cu bo mester t’ey na hospital. Por pasa cu e especialista ta pidi pa pasa laga algun papel atras. Tuma bon nota di esaki.

### Pa traha un cita

1. Carchi di Admicion
2. Identificacion Valido
3. AZV Zorgpas
4. Prueba di Seguro di 1 of di 2 klas
5. Nomber di tur remedy cu bo ta tuma

### Preparacion na cas

Como cu ta drenta e mesun dia di e tratamiento, ta necesario pa haci cierto preparacion na cas. Tene na cuenta cu no ta haci diferencia e motibo pakiko ta drenta hospital.

1. Mester keda na yuna cuminsando pa 12’or di e anochi prome cu e tratamiento. Esey ta signifi ca cu ya no ta permiti pa come ni bebe, tampoco awa. Corda tambe cu no por huma y tampoco kauw bals. Ta recomendabel pa no come mucho pisa e anochi prome. Esaki pa evita e posibilidad di saca durante of despues di e operacion. Si acaso mester tuma remedi, por haci esaki cu un tiki awa.
2. Tene na cuenta pa e curpa ta limpi, esaki ta inclui e lombrishi tambe. Pa e dama ta importante pa no tin make-up y corda kita pintura di huña tambe. No ta necesario pa feita di antemano.
3. No drenta hospital cu sumanan grandi di placa y tampoco prenda y papelnan di balor. **Hospital no ta para responsabel pa pertenenecianan personal di pacient den caso cu nan perde of dañ!**
4. Departamento di Admicion ta yama un dia prome pa confirma bo estadia den hospital.
5. NO ta permiti pa muchanan bishita e pacient ni tampoco pa trece nan cubo durante e espera.
6. Por favor pone bo celular riba silencio. Ta pidi pa ora yama e persona pa busca’bo, haci esaki mas cortico posibel pa no stroba e otro pacientnan cu ta drumi.

### Dia di Admicion

E dia cu mester drenta hospital ta meld na e Departamento di Cuido Ambulante (Dagopname) situa na e di prome piso. Corda cu mester tey na e ora cu a ser acorda conhuntamente cu departamento di Admicion. Puntra e persona encarga cu seguridad pa habri e lift pa bo por subi pa e prome piso. Ta hopi importante pa laga un familiar of conocir busca’bo despues di e operacion, como cu despues di ricibi anestesia y haci e operacion por sinti e curpa debil of marea. **Ta pone enfasis cu no por stuur auto ni cana riba caya despues di ricibi anestesia.**

### Dia di Admicion mester trece

1. Tur remedy cu bo ta tuma na cas
2. "Housecoat", slof y paña cu ta facil pa bisti despues di operacion.
3. Buki of revista pa lesa, obra di man pa haci wega pa hunga etc.
4. Tur pacient mester presenta cu un acompañante.

### Na cuido Ambulante

Ta importante pa tene bon na cuenta cu NO ta permiti bishita na Departamento di Cuido ambulante. Sa tin excepcion pero solamente riba indicacion di personal. Ora ta trata di mucha ta obligatorio pa mayornan keda hospital. Tur pacient mester duna un number di contacto na miembro di personal.

### Algun preparacion lo tuma luga prome cu bai sala di operacion:

1. Bo ta haña un banchi di man cu bo datonan personal riba dje;
2. Si tin mester ta tuma temperature, midi preshon y tambe bo "polsslag";
3. No tur ora e ora exacto di operacion ta conoci delanta. E personal lo inform abo tocante esey.

Despues di e operacion ta hiba'bo na Departamento di recuperacion te ora cu bo lanta. Na momento cu bo lanta lo haci tur chekeonan necesario pa mira si tur cos ta bon y alabes ta prepara tur cos pa bo salida, cual lo tuma lugar riba e mesun dia. Tene bon na cuenta cu e largura di bo estadia lo ta uno di algun ora y no di un dia completo.

Departamento di Cuido Ambulante tin solamente 14 cama na su disposicion, cual diariamente ta hasi 2 of mas biaha uso di cada un.

Ta pidi encarecidamente pa yena e encuesta "Duna bo opinion", paso cada pacient su opinion ta importante pa nos! Ta asina cu cada persona ta reaciona diferente riba anestesia y ta pa e motibo ey por sosode cu e especialista ta pensa cu ta miho pa keda un dia mas pa observacion. Si esaki ta e caso lo avisa na tempo.

### Salida

Una bes un miembro di famia of conocir busca'bo lo e ricibi instruccion con e cuidu mester sigui na cas. Por favor busca bo famia of conocir prome cu 5.30'or di atardi.

Si durante curso di anochi algo sosode por yama Departamento di Emergencia na number di telefon 527 4000. Ta hopi importante pa no keda cas so e anochi despues di e tratamiento.